

DONOSTIYA. <sup>1</sup>

AZALKAYA: *Itsas-gañeko usoa.*

Aitzerak banituben  
 len erri onenak,  
 zala toki gustatu  
 oi zirana denak;  
 erakarde<sup>2</sup> aundiyak  
 izanikan berak,  
 zitubela inguru.  
 bereak ederrak;  
 eta batez erean  
 itsas-plai zubena,  
 zala bere berdiñik  
 iñon etzubena;  
 gisa artan nintzala  
 eroririk miñez,  
 eta ibildurikan  
 sendatu eziñez,  
 gero ere indardun  
 jarriko banintzan,  
 donkai<sup>3</sup> bat egitera  
 erabaki nintzan,  
 bada nuben sendagiñ  
 edo medikubak,

agindurik artzeko  
 ur gaziz mañubak,  
 eta egonik nora  
 ez nekiela jo,  
 artu nuben bidea  
 Donostiyarako.

¿Nola kontatuko det  
 bertako sarrera,  
 zer igaro zitzaidan  
 ikusteaz bera?  
 toki ain politari  
 jartzeaz begira,  
 atsegiñez biotzak  
 eman ziran jira,  
 bada sinistpendurik  
 ametsen bat zala,  
 uste nuben zeruban  
 sartutzen nintzala;  
 eta ondorenean  
 ere ametsetan  
 bezelatsu bizitu  
 izan nintzan bertan;

(1) Composicion señalada con *mencion honorífica* en los Juegos florales celebrados en esta Ciudad en 1886. (Véase pág. 85 del tomo anterior.)

(2) Atractivo.— (3) Sacrificio.

gero noiz bat ubilla<sup>1</sup>  
 neukana zankoan,  
 mañubak on egiñik  
 zitzaidanean joan,  
 sendatuta echera  
 nola joango nintzan,  
 ontara gabe bertan  
 gelditu bainintzan.

Gaur erri onegatik  
 nai nuke itzegin,

euskal-izkuntzan bere  
 agerkai bat egin;  
 luma apain goititu  
 moldazki zorroztuk,  
 euskal-izkuntzan asi  
 arte lan on justuk,  
 argitarako ditut  
 nere iritziyak,  
 euskal-omenak izan  
 ditzan Donostiyak.

. . . . .  
 Gipuzkoa-ko lugorki edo kapitala,  
 Echonetzen da mendi Urgull-en oñean,  
 Uso churi bat bezela, jaikitzen dala  
 Egak zabalik itsasoaren gañean.  
 Len oso chikiya omentzan au ikusten,  
 Estucho zekarrelako bere kabiya,  
 Murrutzar beltzak etziotelako uzten,  
 Nai aiñ azitzen, egin danari aundiya.  
 Bañan lur jo eraiñik murru beltz aieri,  
 Uso ederra jar zedin libertadean,  
 Geroz egak zabaltzen baita beti ari,  
 Norabait joan nai balu bezela aidean;  
 Ala gertatzen da emana bi zatitan  
 Uso Uriya-ren<sup>2</sup> izena daramana,  
 Bada jar ditzagun biyak oso argitan  
 Emango zaie biari agerkai bana.  
 Alderdi lenengokoan goititzen dira,  
 Eleizak bi, eta komentubak ere bi,  
 Plazakin plazachoak beste lau badira,  
 Kaleak ogeita bat edo ogeita bi.  
 Berak oso chukunki moldatu berdiñak  
 Zuzen dirala asko batzuk besteakin,  
 Echeak altutasun batean egiñak  
 Aurre oso polit begiragarriakin.  
 Ikuste batez irurizkatzen dutela

(1) Reuma.— (2) Ciudad.

Pintura pantasiz egintako erriya,  
 Zarraren izena baizik eztubela,  
 Gertatzen dala iya guziya berriya.  
 Eta ¿zér esango degu besteagatik  
 Nolakoa dala onen beste egala?  
 Esan genezagukena da beragatik  
 Toki begiragarrietan bat dala.  
 Billatzen zaiozka pauso leku ederrak  
 Ur-salto nola jolas gauza politakin,  
 Begiruna jar erazten dutela berak  
 Ez guchien gabaz argi pantaskiakin.  
 Billatzen dira ere lur mami zelaiak,  
 Arbol chit ikuskera ederrekoakin,  
 Nola mendiskacho eta loretoiak  
 Beren iturchulo soñu gozozkoakin.  
 Kaleak ditu arriz chit ongi ezarrik  
 Berdin, zuzenak, zabalak eta alaiyak.  
 Echeak asko balio dutenak aundik,  
 Beren aurre ederrakin oso galaiyak.  
 Kaleak eztira ogeitara allegatzen  
 Bañan ainbesteratu baitirade iya,  
 Bada erriya nola dijoan zabaltzen,  
 Denboraz bear du izan onek aundiya.  
 Plazikan bat du orain arterañoakoan,  
 Bera arku jirakin oso moduzkoa,  
 Oroigarri<sup>1</sup> eder bat billatzen dala an  
 Jauregi eche <sup>2</sup> aundi Probinziakoa.  
 Aitapentzea merezi duana ere da  
 Biltoki<sup>3</sup> berri iya bukaeran dana,  
 Oroigarri balio aundikoa ain da  
 Guziak miresten dute beraren lana.  
 Bañan alde bat utzirik oen graziiyak  
 Eta igorik Mota-ko sutunpadira,  
 Obeki ikus ditzagun alde guziyak,  
 Andik gozoro jarriko gera begira.  
 Lenengo begietara jaikitzen dana

---

(1) Monumento.— (2) Palacio.— (3) Casino.

Da Ozeano itsaso zabal aundiya,  
 Letarta edo Probidenziyaren lana  
 Miresgarri oso biotz mugigarriya.  
 Dira berriz ikusten beste alderdira  
 Erri jirako errio, zelai, mendiyak,  
 Ezin aspertu litezkeala begira  
 Egun osoan egonik ere begiyak.  
 Bañan ikusten dira beste gauzak ere,  
 Ez baita urrea azalkaitzen dan dena,  
 Kaiean gauzak erdi lo artuk baitaude,  
 Zeñak ikusteak ematen duben pena.  
 Nola beste bizi bideak ere dauzkan  
 Erriyak ez biziro pantesigarriyak,  
 Zeñen abe oso segurubak ez dauzkan  
 Beraren zutik egongarritzat jarriyak.  
 Alaz ere seme leial on berarenak  
 Nola beti langille ikusten baitiran,  
 Billaturik belar sendakairik onenak  
 Zorion lezateke egunen batean.

. . . . .

Erriya aldetikan  
 baitegu ikusi,  
 zein galaya dan bere  
 inguru ta guzi;  
 oraiñ ikustecho bat  
 dubena merezi,  
 da ere bere playa,  
 baitu zenbait grazi.

Au da mañu tokiya,  
 Koncha deritzona,  
 paraje seguruba  
 eta oso ona;  
 alderdi guzietan  
 dakarrena sona,  
 bere modukoetan  
 onentzat dagona.

Egite borobilla  
 du, ta da zabala  
 dago erriyagana  
 arrimatzen dala;  
 bada ikuste batez  
 ematen du ala,  
 iruristen du plater  
 urrezko bat dala.

Ozeanok mañatzen  
 dizkala eskiñak,  
 bagak bertara dira  
 bildutzen berdiñak:  
 eta zati ditzaten  
 eriyaren miñak,  
 graziz zانبuiltzen dute  
 ur malla urdiñak.

Isuri guchirekin  
 lurra du berdiña,  
 zeñetan billatzen dan  
 ondar oso fiña;  
 mañu ehol polliki  
 pintatubak gaña,  
 egiten diotela  
 gauza chit apaña.

Baitu beste chabola  
 bat, ere aundiya,  
 au da mañu echea  
 olez ezarriya;  
 zeña arkitutzen dan  
 gaingiro jarriya,  
 pizkor dedin bertara  
 dijoan eriya.

Itsas gañeko aize  
 min sendagarriyak,  
 osasungarri ditu  
 asnasten errigak;  
 bide berez negubak  
 non udarak biyak,  
 ez dizkatela gaintzen  
 otz bero aundiyak.

Jolas-tokiya berriz,  
 leku au berez da,  
 jolas-biderik iya  
 iñoiz palta ezta;  
 egunaz edo gabaz  
 beti bada pesta,  
 ala bertan denbora  
 pasatzen errez da.

Franziyara arkitzen  
 zaiozka lau pauso,  
 joan ta jira egiten  
 dala merke oso;  
 mañu echeak berriz  
 denak ditu auzo,  
 ala gauza guziyak  
 daukazki erozo.

Osatzen zaizkalako  
 orrenbeste grazi,  
 lenaz gain jende asko  
 da bertara asi;  
 ala eraz gozoro  
 nai dubenak bizi,  
 Donostira bear du  
 bidea ikasi.

Iruri du sortitzak<sup>1</sup>  
 milagroze egiña,  
 lorien jayo toki  
 bat edo sarjiña;  
 itz batez, ain da leku  
 polit atsegiña,  
 euskeraz eztu itzik  
 famatzeko diña.

Ezpalituzke orin  
 belch diranak esan,  
 berriro batiatu  
 liteke elizan;  
 lenago Donostiya  
 deitzen zayon gisan,  
 gaur izena Zeruba  
 bear luke izan.

RAMON ARTOLA.

(1) Naturaleza.